


北京圖書館出版社

福建師範大學圖書館藏
稀見方志叢刊



方寶川
陳旭東◎主編

冠莫憐白髮江湖遠且為諸公一盡懽

發白沙至河口

以上俱
伯溫括蒼
誠意伯

發白沙驛亭午至水口中流鬱

兩敵原阜

濛蛟龍過隱隱怒雷吼傾欹臥

翼惑前後

福建師範大學圖書館藏

稀見方志叢刊

方寶川

陳旭東◎主編

23

北京圖書館出版社

光澤縣志卷之二十四

人物志二

孝友

宋

何福何村人幼孤行傭於鄉養母最孝舊志

上官超邑西閩人母病篤割左脇取肝飼之病遂愈

縣令張碩名其門曰孝感因以名坊舊志

明

龔仲賢崇仁人父均實早喪家貧母吳氏紡績撫養

底於成立洪武壬戌母壽終仲賢悼念不已是年
九月八日乃母生辰遂命肖母形以祀之衣服飲
食若事生時出告反面朝夕不怠妻王氏奉之未
嘗有違凡十八年如一日鄉里咸稱為孝子云舊志

危 孚字克誠一都人任桂陽知州有惠政性孝在

任分俸養親歷三年聞母病跣乞養親致仕衡州

知府翁世賢叙贈云賢侯去也椿萱昆季多懽聚

桂陽父老徒嗟慕居官有守年八十四卒舊志

上官倬字子立二十四都人性剛直孝心純篤由選

貢任浙江台州判官時父家居以誤傷佃命議重
辟聞報不勝悲號即乞休赴京三上書願以身代
上欽其誠懇減配隨歸而盡鬻其家產八百金以
贖父配父後果獲免至衰老林泉一冷如水而孝
思彌篤勁節凜如真表表人世者凡兩臺司道俱
最之紀其孝以識不忘舊志

陳恭由椽曹任廣東鹽課司事親素孝親死極盡
悲哀廬墓三年舊志

李性字紹衷世城人性孝居家善事親及任烏程

縣丞應詔疏乞養親當道謂其重天倫輕人爵仕途得此是為可嘉未幾母喪哀慟過情相繼而卒

舊志

陳溶在城人住十都止馬市家貧自幼性孝頗知

儒術居親喪不用浮屠唯讀孝經寢苦枕塊雖三年之久無異於初喪鄉黨咸嘉之舊志

江繼瀾十九都人少失母父復雙瞽奉之靡不遂意俗尚誦經父常赴經堂會誦至暮瀾必親負之而歸娶妻危氏三年妻歿遺男方二歲瀾自撫養之

授以舉子業其奉親之井臼皆身親操尤人所難
者署縣事蕭通判上其事按院劉嘉之扁曰孝義
舊志

吳尚淳五都人質行樸魯幼遵慈訓迄成人殫力奉
養菽水承歡母氏居孀無茹荼之苦皆其力也申
之按院方元彦旌以純孝

舊志

郭 冕在城三閭人由貢任紹興府教授竭力事親
父病漏腮口吮膿血旦夕祝天願以身代三仕教
職陳情歸養母患目疾躬為吮睛迨卒哀號泣血

幾不能生兩道扁其閤曰純孝按臺徐給廩帛以旌異之至若代兄娶以順父心撫孤姪以慰母懷皆其素行之表表者舊志

張

拱字汝翼邑之俊士也幼養於姑從姑姓稱張

實姓李二弟仲李元淡季李元端並著才名士林赤幟邑人羨之然兄弟皆孝友嚴慈在堂雁行定省親歿家貲絕不啓口一堂聚會惟是嬉嬉而談融融而樂終聲不聞有忿恚聲友愛若此度幾哉姜被花萼集爭烈矣舊志

饒允中字完初邑庠生性至孝自幼迄壯定省溫清
未嘗有違父應斗萬厯四十四年貢廷試去家每
繫思為之輟食母邱氏暮年病瘋出入親自提抱
性喜施捨一從所欲未嘗或吝為人敦厚不苟言
笑居家尤端謹義方維嚴舉子五世淳世濟世顯
俱補弟子員次子世道歲貢以文學名舊志
龔大鵬字朝輔邑人天性淳厚篤於孝友堂弟庠士
逢時等分析已久後家計不給鵬聚以祖所分已
產分贍之語諸子曰人生最宜厚者宗族吾幸席

吾父貲豈可置同祖弟貧乏於不問乎爾等能承
吾志則孝行之一也又家訓甚嚴一門男婦五十
餘人皆肅然有別真有先民風範焉子必兆髫年
入泮食餼時值離亂刻不離側衣食躬為調理父
卒年七十七極盡哀毀應順治辛卯歲貢授訓導
孫榮邦廩生邑令劉祖向舉兆介賓壽享七十而
卒舊志

上官世安字時震邑庠生性孝友母病目時以舌舐
之旋愈撫弟世昌為之聘娶教以詩書昌亦入泮

族里推馬歲荒平糶有貸不能償者輒焚券恬淡
寡慾善談道素親侶陽葦數椽於溪山別墅放懷
魚鳥著娛情集三卷行世 舊志

上官世卿性至孝少失怙母孀居患病焚香祝以身
代衣不解帶藥必親膏者累月母尋愈當道聞其
事獎以扁曰德門孝行又曰順萱盡志後子經任
江西南城訓導邑令高燕邊靖以懿德兩舉大賓
舊志

李廷選字用卿賦性淳厚事親誠敬備至聞人困苦

人物

五

孝友

莫不惻然遠近多邀賑恤色宰聞而嘆曰人生天地間能孝親而惠於衆即聖賢所共許也因請之於上給以冠帶榮身題其扁曰善人孝子孫吉曾孫于倫于儀皆彬彬士林云舊志

鄒聞十三都人少而愿母病思肉不得開遂刳股

以食尋愈舊志

國朝

李克明鎮嶺坊人家貧事親孝父病篤延醫求神百計無效乃焚香禱告天地願以身代一日父謂明

曰得肉食可乎乃割其股暈絕久而復甦竟烹以
餉父父不知食之而病遂痊真乃孝念所感後父
母死家居常奉像祀敬謹不少怠年七十有三
一日忽囑家人曰我某日某時必死初不信至期
沐浴更衣當午而逝觀者環集成稱其孝舊志

郭任字斯覺在城人郡廩生事母至孝友愛兄弟
母年六十八目雙瞽遠方求醫湯藥親嘗常以舌
舐其睛三載母目遂痊人奇其孝感女正玉望門
死節另有傳子駿邑庠善屬詩文舊志

曾光謨字仲貽五都人應寰子克承父志力學入泮
豪爽邁俗戊子變亂積屍遍野施棺代葬尤光譜
為人所陷衆醺皆墮謨慨然以己產租補立父醺
與兄共之嘗語諸子曰人生以孝友為本吾不忍
子若孫知有父而不知有祖也年六十七卒子三
長純敬康熙十一年拔貢次純恭入泮舊志附應
寰傳

何起蛟在城三苗人賦性寬和友愛尤篤與弟起鯉
同居五十餘年鉅細悉自理不諉勞於弟歲時所

入絲粒必命弟襲之弟亦承之以恭嘗誠弟曰兄
弟不相容者多聽婦言我二人當善自省更有堂
弟何德淵者蛟憫其孤自幼育之延師課督旦夕
茶飯必親攜以饋淵遂獲補弟子員年五十五而
卒

舊志

陳南賢以明經授訓導讀書有源本性情和易居家
孝友士行所重子瑗能世其業

舊續志

曾 守字約生五都人事親以孝聞為諸生兩舉德
行巡按御史朱 獎以扁曰希宗先正以貢授訓

人物

七

孝友

導壽七十有六孫逢唐庠生 舊續志

饒 東字魯山世道子也康熙乙丑拔貢性純孝

廷試補入教習以父老力辭歸養改授教諭童年母

病三載服侍不怠母卒兩事繼母均得歡心後母

有前夫吳氏子名舜者三代單傳東更代為婚娶

廷祀母愈感愛知縣張彭旌以扁曰孝行可風家

貧清介自矢不履公庭知縣馬璵珍其品延為邑

塾義師邑大饑有邱危二姓將嫁妻全養東聞慨

以所得館穀為贈母子夫妻獲全合邑頌其孝義

雍正元年奉

恩詔例祀孝義祠

陳平川二十七都人性孝友明季山寇竊發其仲兄
只一子被執平川傾金贖回教養猶子併將己產
授之以奉兄祀人謂其不愧義門之裔云

曾光遠五都人廩生明末山寇竊發遠父為賊所執
與兄宏甫挾貲往贖遠度賊亮悍恐不測令甫速
回抵賊巢貲不足以贖賊心仍不釋其父遠爭以
身代賊又繫其手足俱幽于高樓幾遭害月夜父

人物

八

孝友